

RUGBYA



Nick Farr-Jones

Bitxikeriak

□ **MICHAEL JONES** New Zealandeko jokalariek egin zuen 1987ko mundialetako estreinuak entseia eta aurtun ere berak egin zuen lehenengo, mundial hauetako lehen norgehiagokan Ingalaterraren kontra. Jokalari beraren ahotik entzun dugu bitxikeriarik nagusia: bere erlijio kontzientzia dela eta, ez zuen Australiaren aurkako finalerdia jokatu, igandea zelako.

□ **INGLATERRA**ko Jeff Probyn izan da jokatu dutenen artean zaharrena, 36 urterekin. Hala ere, bera baino zaharragoa den Fred Paoli estatubatuarra ere bertan izan da, jokatu ez duen arren, 37 urterekin.

□ **GAZTEEN** artean, zazpi dira hermeretzi urterekin aritu diren jokalariek. Horieta bat Masuho Terunori japoniarra izan da. Jokalari honen selekzioa izan da mundialetako gazteenetako bat.

□ **DATOZEN** mundialak, hirugarrenak alegia, Hego Afrikan jokatu dira 1995ean, bitartean apartheid arazoa konpontzen bada behinik behin.

□ **FARR-JONES** Australiako kapitaina izan da, jokalariren bat aipatzekotan, mundialetako onena. Lerro bakoitzari dagokionez, Australiako lehen lerroa, Ingalaterrako bigarren lerroa eta Eskoziako hirugarren lerroa izan dira aipagarrienak. Australiako atzelarigo osoa izan da era berean, txapelketako sendoena.

□ **MUNDIAL** hauetan parte hartu duten jokalariek askok ez dute 1995ko txapelketan parte hartuko. Blanco eta Ondarts (Frantzia), Fox eta Gary Whetton (New Zealand), Ackford eta Dooley (Ingalaterra), Calder, Jeffrey eta Gavin Hastings (Eskozia) edo Campese, Farr-Jones eta Poidevin (Australia) dira hauetatik gizonik aipagarrienak.

□ **DAVID CAMPESE** eta J.B. Lafond izan dira entseiatzaile onenak, bakoitzak sei lortzean. Hauen atzetik Horan, Underwood eta Robinson agertzen dira laurekin.

□ **KEYES** irlandarra da txapelketa honetan puntu gehien lortu duen jokalaria, 68rekin. Michael Lynagh australiarrak 66 lortu ditu guztira.

□ **IRLANDA** da partidu batean puntu gehien sartu duena, Zimbabweren aurkako neurketan 55 lortzean.

□ **TXAPELKETA** osoan 1.197 puntu lortu dira guztira, 1987ko mundialetan baino 424 gutxiago hain zuzen ere (orduan 1.621 lortu ziren).

Parekotasuna izan da ezaugarri Nagusia Munduko II Txapelketan

1987ko edizioan baino 424 puntu gutxiago lortu dira aurtengoan

Munduko II Rugby Txapelketa amaitu ondoren, balantzea egiteko ordua heldu da. Txapelketa honetan 1987ko mundialetan baino parekotasun gehiago izan dela esan daiteke, faboritoek ez bait dute orduan bezalako nagusitasunik erakutsi. Bigarren mundial hauetan estreinekoan baino puntu gutxiago lortu dira.

KOLDO ALDUNTZIN / DONOSTIA

Puntuaketa begiratzuz, argi ikus daiteke 1987ko mundialetan talde indartsuenek puntu gehiago lortzen zituztela. Horren arrazoia aurrean zituzten taldeak hain sendoak ez zirela izan daiteke. New Zealandek, estreineko mundialetako talde txapeladuna izan zen puntu gehien sartu zuena. Aurtengo mundialetan ordea, gauzak zertxobait orekatu dira.

1987an oraingo txapelketan baino dexente puntu gehiago lortu ziren, 424 hain zuzen ere. Emaizten aldetik Australia-Irlanda (19-18) eta Errumania-Fidji (17-13) izan dira Munduko Rugby Txapelketa honetako emaitzarik estuenak. Aurtengo txapelketa hau talde onenen arteko parekotasunagatik pasatuko da historiara. Azken urte hauetan New Zealanden nagusitasuna amaitu da, nahiz eta oraindik joko ona erakutsi. Besteak ere primeran prestatu dira eta horren ondorioz New Zealandek uste baino arazo gehiago izan du.

Australia da txapelketa honetako gauzarik aipagarriena. Hilabeteen tentsio eta desgaste handiko sei partidu jokatu ditu eta hala ere, dotore defendatu zuen azken partiduan zerraman abantaila.

Jokoari dagokionez, ezagutzen ez genituen zenbait talderen jokoa ezaugarriak eta dastatzeko aukera izan dugu. Pixkanaka murrizten ari da taldeen arteko aldea, oraindik Ozeania nagusi bada ere. Defentsa beldurgarriak jarri dira praktikan, baina rugbyaren gakoa entseia dela eta egin den entseia asko ikusgarriak izan dira. Mele irekiak eta maul sarkorrak eta dinamikoak izan dira nagusi Munduko Txapelketa honetan.

NEW ZEALAND GAUR BAIONAN

Gaur arratsko 8.30etan New Zealandeko 21 urtez azpiko selekzioak Baionan jokatu du, Côte Basqueren aurka. All Blacks gazteek Frantzia aldera bisitaldia egingo dute, bertako taldeen kontra lau partidu jokatu asmoz. Baionaraino ere iritsiko dira, gaur hain zuzen ere, eta bi urte gehiagoko jokalarien aurka ariko dira, Côte Basqueko taldea 23 urtez azpikoa bait da. Hala ere, eta zelandarren maila ezaguturik, erronka gogorra izango dute kostaldekoek All Blacks gazteei aurre egiten.




Hegoafrika izango da protagonista nagusia hurrengo mundialean.

✓ **New Zealandeko** taldearen nagusitasuna amaitu da azken urte hauetan, nahiz eta oraindik goi mailako jokoa erakutsi.

✓ **Australiak** tentsio eta desgaste handiko sei partidu jokatu zituen hila-betean. Hala ere dotore defendatu zen azken partiduan


HAMABOSTEKO ONENA



AUSTRALIAK ez du kasualitatez irabazi mundiala.

Bertako jokalariek maila gorena erakutsi dute, eta nagusi dira EGUNKARIAK osatu duen hamabosteko onenean. Aipagarria baita Eskozia eta Ingalaterraren jokoa, eta New Zealandetik Brooke besterik ez hautatzea.

NBA



Larry Bird, burumakur.

Talde apalak indartsu daude NBAko denboraldi hasieran

NEW YORK

NBAko talderik apalenak bikain ari dira jokatzeko aurtengo liga hasiera honetan. Orlando Magic taldeak eman ditu orain arteko sorpresarik handienak eta dirudienek, aurtengo animatzaile bitxia izango da. Aurrekontu murrizta duten taldeak irabazi dituzte orain arte jokatu diren lau partiduetan NBA txapelketan.

Atzo bestetik Michael Jordan eta Larry Bird-en arteko lehia, jokalaria beltzak irabazi zuen aise, Boston Celtics eta Chicago Bulls-ek Bostoneko Garden kiroledegian jokatu zuten partiduan. Jordanek 44 puntu saskiratu zituen eta bere taldeari garaipena eman: 113-132. Jordanek hirugarren aldiz gaingitu du jarraian aurtengo denboraldian, 40 puntuko muga garrantzitsua. Michael Jordanen gau miragarri honetan, Bullseko jokalariek ikaragarriko jokaldiak egin zituen eta ikuslegoaren mirespena sortu. Phil Jackson Chicagoko entrenatzaileak bere jokalariren gaua liluragarria azpimarratu nahi izan zuen: «Jordan inspiratua dagoen, egia esateko ia gauero gertatzen den modura, hoberena bere kasa uztea izaten da, saskiratzeak lortu ditzan».

BOSTON GARDENEN GRINA Profesional denetik Chicago Bulls taldean jokatzeko ari

den Jordan pozik agertu zen kazetarien aurrera: «Benetan oso gustorago eta Boston Garden kiroledegian jokatzeko dudak bakoitzean ikaragarri motibatzen naiz ondo jokatzeko. Leku horrek izugarriko garrantzia izaten du niretzat eta kontzentrazio berezia egiten saiatzen naiz. Gaur gauean jokaldi guztiak borobilak atera zaizkit eta zortea ere izan dute».

Orain artekoak ikusita, pasa den urteko NBAko txapeladunak gauzak ez ditu guztiz finkatuak. Hasiera irregularra izan bazuen ere, bi partidu galdiaz, azken biak ederki irabazi ditu Phil Jacksonen taldeak eta moral handiaz ekingo dio hurrengo lehiari. Boston Celtics taldeak berri, etorkizun iluna du aurtengo denboraldian.